

Nuorttanaste
maksu ovta
kruvna jakko
dagast, blad-
de dinggu-
juvvu juokke
poasttarappe
lutte.

Nuorttanaste

Nuorttanaste
olgušboatta
guovte gærde
manost —
dam 15ad ja
dam 30ad
bæive juokke
manost.

Bájasrakadus- ja čuvvgitusbladde samidi.

»Gæca mon boadam farga«

»Leket maidai digis garvvasak.«

No. 24.

30ad December 1903.

5ad jakkodak.

Ibmel sane birra.

Sisasaddijuvvum.

Lasse 19ad nummari.

Jos don lifčik čalmiäbme, de ik dovdaši riehta dam mailme ællema, ja don matašik hui alkeđ gaččat oud-damærka diti roggai, erinoamašet jos guttege lifči rogge nubbe bældē ja dajaši dudnji: »Boade deiki! Dabe læ buorre orrot.« Sæmma lakai maidai jos don dam cælemest ik gæčad basse čallaga, man buttes sadne matta ravastet du vuoiņa čalmid, vai don oainegoađak nubbe mailme.

Don halidak guldalet, ja dat læ galle sagjasaš buorre; mutto olmuš min aige i sate oskot buok dasa, maid son gulla, danditi læ dat darbašlaš, atte olmuš maidai čalmides adna ja gæčada, maid Ibmel dam suddolaš olmušvutti læ almostattam. Mi basse čallagest oaidnep, atte dat sadne, maid Hærra læ sardnom, galgga min duomobæive dubmet. Ædnagak læk si, guđek dam čallujuvvum sane bibalest bagjelgečček. Muttomak dam dakkek damditi go si æi dovda maidege darbašvuodai Ibmel dieđo maņņai, si elek moraškættes dilest æige jurdaš mange æra ala go dam, mi mailmai gulla. Ærak fast dam dakkek, dainago si læk gullam dam nuft ollo adnujuvvum dajatusa: »Ibmel sadne læ jabma bogstava.« Si dietta-lassi jakkek, atte i væket dam lokkat, dat galgga sardneduvvut, æska dalle dat læ ælle ja famolaš.

Čala læ dat, mi almostatta olbmui Ibmel dato; vaiko i lifči olmuš goassege gullam jinulaš sarne, mutto lifši čallagest oaidnam Ibmel sane ja dam vurkkim vaibmosis, de son šadda

audogassan. Mutto i danditi læk jidnolaš sardne darbašmættom ja avketæbme; mutto dat baica dugjo buore, go dat rievtoi adnujuvvu, nuft ollo go boastot adnujuvvumin baha. Dam jienalaš sardnedæme darbašlašvuotta ja duoaldak dovdo burist juo damge čielga aše diti, atte stuora oasse albmugest æi læk harjanam girje lokkamest ja guoratallamest dam mađe, atte matašegje čallag lokkam bokte fidnet aldsešesek riftes ja olles dieđo audogasvuoda oapost. Mutto dat olmuš, gæst læk buorek naveak oazžo lokkam bokte dam sæmma hisovaš duoaldaga go gullam boktege. Ja jos son vela lokka jidnuset, de son dalle sikke oaidna ja gulla oktanaga.

Dast, mi ouddal læ celkkujuvvum læ alke arvvedet, atte i darbaš »mannalaš vuollegašvuodain ja gululašvuodain« oktage luottadet gange oudast dam gaddost, atte Bassevuoiņa sardno sin njalme bokte sæmma lakai go ouddal profetai ja apostali bokte. Maidai singe sanek galggek vikkijuvvut sæmma čallag duottavuoda vævtain go cærasikge. Dak nabo, gæk ramadallek dam ašest, atte si læk apostali ja profetai værddasažak, vela sin alēbutge gidda Kristusa lakasažan, dak læk vuoiņalaš čagjadusa gæra jukkam gidda vuodo ragjai.

I gavdnu mikkege vuodđodusaid maina mataši duottan čajetet, atte jienalaš sardne læ æmbo dugjumen go čallujuvvum sadne, ja atte dat læ buorrebut ælle. Dalaš jienalaš sardne læ čallujuvvum sanest vuolggam. Dat čuovvo čallujuvvum sane vuodo alde ja valdda dast buok sistdoalo. Jienalaš sardne i mate alma čallujuvvum sanetaga doaimatet maidege burid.

Dast boatta vela gačaldak: Mat-

tago Moses ja Kristus laka erotuvvut goabbak guoimestæska, nuftgo muttomak jakkik ja dakkik? Jos Moses lagain oaivelduvvu loge bakkom-laka ja mi dasa gulla ja erotuvvu dast erit Israel girkkolaka, de i mate Moses ja Kristus laga gaski rakaduvvut daggar mura, maid ædnagak dasa murijek. I čala æige oskodovdastus girjekge dovda daggar ragjemura. Kristus lagast læ rievduvvum su ibmelvuoda fabmo ja rakaduvvum vætta, loika lagan. Muttemak oaiveldek, atte Kristus laki gulla maidai andagassi addemvuotta ja odđa famo addem; mutto jos dat gullaba Kristus laki, mi dalle evangeliumi gulla? I mikkege. Evangelium dalle nokka aibas; mutto i læk galle nuft, ja danditi anddagassi addem ja odđa famo addem æva gula laki. Maidai oaiveldek muttomak, atte Kristus laka i gaibed olbmust æmbo, go maid olinuš hægjovuodastes matta dævdet. Dat lifči imašlaš laka, mi sogja juokkehaža oppoi ja miela mielde. Kristus laka dam i daga, dat læ gaibadusades- ja aittagidesguim sæmma nanos ja ovtalagaš go Moses laka. Moses laga gaibadus læ dat: »Don galgak rakistet Hærrad du Ibmelad obba du vaimostad, buok sielostad ja buok famostad« (5 Mos. 6, 5). »Don galgak rakistet lagamužad nuftgo ješječad« (3 Mos. 19, 18). Kristus laga gaibadus læ dat: »Gutte rakista su ašes ja ædnes æmbo go mu, i son læk mudnji dokkalaš.« (Math. 10, 37. Ja dat læ mu goččom, atte di rakistepet guđek guimidædek, nuftgo mon din rakistam. [Joh. 15, 12]. »Rakistetet din vašalažaidædek, buristsivdneket sin, guđek din garrodek, dakket sigjidi burid, guđek din vašotek ja rokkadallet sin oudast, guđek dakket dig-

jidi vahaga ja doarradallek din.« (Math. 5, 44). »Leket ollasak, nuftgo din aččadek, gutte læ almin læ Olles.« (v. 48). Maid fast Moses gaibbeda æra bakkomin, dam gaibbeda Kristus vela garrasæbbut. (Math. 5, 21—48). Mi erotusaid læ dal Moses ja Kristus laga gaskast? I mikkege. Nabo dasto aittagak? Moses aitta naft: »Garroduvvum lekus, gutte i buok daid laga sanid doala, atte son daid dagaši, ja buok almug celkkus: Amen!« (5 Mos. 27, 26). »Muitte damditi, mast don læ jorralam, ja jorgid ja daga oundeb dagoid. Mutto jos ik, de boadam mon farga du bagjeli ja sirdam du gintaljuolge dam sajest erit, jos don ik jorgid.« (Alm. 2, 5). »Mutto must læk soames ašek du vuostai. Jorgid! mutto jos ik, de boadam mon farga du bagjeli (v. 14—16). »Ja mon lœm addam sudnji aige, vai son jorgidifçi su furudagastes erit, ja i son læk jorgitam. Gæčča mon dagam su buocin, ja sin, guđek suina furušek, bijam mon stuora atestussi, jos si æi jorgal ječaidæsek sin dagoinæsek erit, ja jabmen čađa rottim mon su manaid erit« j. n. v. [v. 21—23].

Mi erotusaid dal læ Moses ja Kristus laga aittagi gaskast? I mikkege. Gost læk dalle ædnagak ožžom daid vuododusaids dam loika laki, maid si govatallek Kristusa lakan, ja mast i lifçi duomo aita ige ollesvuoda gaibbadus. Daggaraš laka i læk Kristusa. I čala govat Kristusa daggar arkadallin, gutte vuogjagiedain njavkadifçi olbmum suddo ja hægjovuoda. Kristus galle adda suddost bestujune ja odđa famo. Mutto dat i læk su laga, mutto evangelium dakko: dat læba guokta sierra aše, i daid heive nuft daidemottoset oktisægotet. Kristus njalmest olgusboatta guokta-avjoseš miekke, dam i oažo oktage dærpæt ovta avjogen. Ja jos oktage dam gæččala dakkat, son fuones bargge læ Ibmela valdegoddest. Laka galgga bissot danen, manen son læ bigjujuvvum, nuft maidai evangelium, dalle dak goabbašagak fidnosga doaimatæba; mutto jos soai okti ovtastattujuvvuba, d. i. jos Kristus guovteavjoseš miekke dakkujuvvu ovta-avjogin, de i dat læk sat miekke — dušše violnjuovča, mi čuogja moivetægje čuogjama geppišmielalas dansim-jovkkoi.

Moses laki læ fast dakkujuvvum

dat vækkavalddalašvuotta, atte dat læ alma ašetaga hoiggaduvvum Ibmel valdegodde raji olgobællai ja læ dakkujuvvum mailme ja mæsta bærgalaga valdegodde lakan. Oskolažast i lifçi makkaš mikkege dakkamušsan daina lagain. Dam Ibmel laga soaimami valdeked ædnagak beloštussan čuovvovaš čallag sanid: »Mutto dal go osko læ boattam, de čep mi læk šatten æmbo bagadægje vuolde.« (Gal. 3, 25). Maid lagaid Paulus dast oai-velde? Go mi guoratallap obba Galatalažai girje, de mi oaidnep, atte Galatia sčervvegoddai legje sisaboattam værreopatægjek, guđek datto birra-čuopatusa bokte čadnat kristalažai oamedovdo Judalaš laga gæssaga vuollai. Galatalažak likujegje sigjidi nuft, atte jorggitegje ruoktot »hæjos ja gæfhes mannaoapo vuollai« ja vutivalde »beivid, manoid, aigid ja jagid.« (4, 9—10). Go Paulus oažoi dam diettet, čali son sigjidi saltiguim sægotuvvum epistala, mast son maidai čelkka:

»Vuoi di jiermetes Galatalažak! Gi læ din fillim, go di epet læt duottavutti gululažak, din, gæidi Jesus Kristus læi čilgijuvvum čalmi oudi, dego son lifçi din gaski russinavlijuvvum?« (Gal. 3, 1). Paulus læi sardnedam, atte vanhurskesvuotta ja audogassan dakkujubme ožžujuvvu osko bokte Kristus ala, ja dal legje Galatalažak addam ječaidæsek giddujuvvut judalašvutti, mi læi aivestassi boattevašvuoda suoivan, — fal ješ rumaš læ Kristus.

H.

* * * * *

* | Gukken ja lakka. | *

* * * * *

Si æi adnam vine jukkama.

Go dat engelaš soatteskipa »Collinger« muttom aige dast oudal læi borjastæme ædnam birra dietto-daihe ænamdutkamræisost, legje ollo luondo dutket mielde, guđek galgge iskad abe čignudaga ja maidai dutkat luondo- ja daid olmušlaš gaskavnočaid, birra buok gosa si botte. Okta daina mærkalæmus dingain, maid si legje gavdnam, læi okta čena, gost i gavdnum oktage jukke. Dat ænam læ muttom sullok Lullemerast, mak da-

rogilli goččujuvvujek: »Venskabs-øerne« (Ustebvuodasullo). Boares aige læi buollevine stuora duššadubmid dakkam assi særvest daid sulloi alde. Mutto dal i gavdnu i oktage jukkes olmai dobbe. Dam læk jierb-malaš lagak, dai sulloi gukkas erit-sirrijubme æra olmuššalain ja duotta kristalašvuotta dakkam. Dak ab-masak jerre daina assin: »Mutto igo goassege daptuva, atte okta nuorra, dæryaš ja virkos olmai maistegoađe garremjukkamuša ja harjan jukken, nuft atte son manasašši vaivaškasa alla joavdda?«

»I fal, i goassege.«

»Igo goassege daptuva, atte okta olmai manata buok, maid son tine vinejukkam vistin ja akas ja manaides dikta hæde gillat?«

»I goassege.«

»Igo goassege soames garrem-oaivest dabe laga vuostai rikko?«

»I goassege.«

»Mutto alma di vissa muttomin goit oainebetet soames garremolbmum skievčomen balgai mielde?«

»Oaidnep galle muttomin, mutto hui harve fal, ja dak æi læk dalle dam baike assek; mutto dak læk olgoædnamlas mærolbmak. Mutto mi læk ožžom dal daggar laga, mi giel-da mærolbmaid gaddest orromest mannel klokka 8 ækkedes, ja dat laka læ dakkam ollo buore.«

»Mutto dalle i mate læt hoette ja vaivasvuotta dabe?«

»Hætte fertti gaiddat oktanaga garremjukkamušain. Vaivašak galle gavdnujek dabege, mutto æi hættegil-lajægjek. Jukkehaš, gutte bargga, burist birge.«

»Lægo dabe garremjukkamuš aibas giddujuvvum?«

»Giddujuvvum i læk galle, mutto læ dakkujuvvum nuft, atte jos oktake datto ječas bagjelgæčatussan dakkat, daggo bokte atte ječas garremidi jukka, de fertte son dam div-raset makset. Duollo vineboattalest læ 4 kr. ja buolevineboattalest 8 kr. ja vuolaboattalest 1 kr.. Dat, gutte sitta vinevuovddema doallat fertte dam rievte oastet hirbmos divrraset.

Dam laga duogje læ læmaš, atte olbmuk vuost dam divras hadde diti ječaidæsek eritdolle jugišvuodast, dast mannel šadde si jugakættes olmušen harjanæme bokte, ja dal læk si hæittam aibas garremjukkamuša;

dastgo si læk fuobman, atte dat læ aibas avketæbme. Dam aige i gavdnu oktage vinevuoddembaikke dai sulloi alde, gittujuvvum lekusek min laka-adde vanhemak ja min gonagas, Georg, gutte æska læ dævdam 75 jage.«

50 jage dast ouddal legje dai sulloi assek vilda olbmuk; mutto dal læk si okta almug burin vuoina æuvgitusain. Davalažat maidnujuvu dai dobbe-asse engelas miššonærai barggo; dak miššonærak læk oapatam baldalagai evangeliumin burid dabid ja olmušlašvuoda, nuft atte »Venskabssulloi assek læk dal sikke kristalažak ja buorek borgarak.

„Bymissionæren.“

Bosegoppe markan.

Dam æavča legjim mon Bosegoppe markkanest. Manga jage legje juo gollam, dam rajest go mon maņemus dobbe legjim fidnam. Bosegoppe markan dollujuvu guovte gærde jāgest — gidđad marsa manost ja æakčat alggo septemberest. Nuftgo buokak dittek læ dat markanbaikke davalaš æoaggalmassagje bagjesabmelažaidi. Stuora raidok bottek vuoje Guovddagæinost ja Garašjogast, ja maidai suoma bælestge soames boatta. Dalle bagjeolmuš boccu biergoin ja duljiguin oasta hæga bajasdoalo gukkes aigai. Dam birra i læk cælkket mikkege ærago, atte buorre læ, atte læ asatuvvum nuft. Bagjeolmuš ja mærolmuš gavdnadæba ja oazžoba gavpe joratet goabagguoimisga avkken. Mutto læ okta dinga erinoamašet dastge mi læ baha ja sagga vaidetatte; ja dat læ g a r r e m j u k k a m u š, mi hirbmadet adnujuvu juokke markanbaikke, ige uccemusad Bosegoppe markkanest. Vaiko læ galle Alta komune-daihe gielastivri gielddam aibas garremjukkamušai vuovddema markkanaige, nuft atte dal gavppeolmakge æi oazžo nuftgo ouddal ankari mielde vuovddet buollevine, almaken læi jukkamstuibme juokke ækked markkan-silljost obba vuimest. Garremjukkamuš læi oazžot valljogasast sikke suollemas vuovdin ja duon Hammerfesta bolagast, mi su »buristsivdnadusaides« viddeda Væstafinmarko mietta. Gavppeolbmast Nilsenest Bosegoppest lifči galle vuogadvuotta vine vuovddet; mutto dat yuoras olmai læ dammade oamedovdolaš, atte

son i vuovdde, vaiko diettalassi son stuora ruđa daggo bokte tape; mu mielas læ dam olma gævatus dam ašest nuft æabbes, atte dam galle sajes Finmarkost i gavdna.

Faste læ galla oaidnet, atte galgga »Alkohol gongas« daggar valdin vela oazžot radđet. Atte jierbmalaš olbmuk ječaidæsek galggek šlavan bigjat duon sielo ja rubmaš sorbnijægje vuollai.

Mon oidnim go bagjeolbmak botte duoddarest vuolast, de legje dalanaga gavppeolbmak ja ærak duostotomen sin vinebottalin, ige læm gukka ouddalgo dak sæmma olbmak, guđek čielgos oaivest sisa kramburidi ja cæra vistidi dolvvujuvujujegje, olgus botte »buori movtast.« Dat læi algo dam garremvutti, mi gæčos makkan galgai bistet. Go dalle bagjeolmus daggar dilest læ, de galgga son biergos vuovdet, ja de galgga son rekenastet, ja de galgga son oastet dam maid mieldes galgga duoddari valdet. Jos læ gavppeolmai gudnalaš, de læ buorre, jos i, de oazžo son bættet dam garrim sabmelaža nuft ollo go datto. Moft matta garrim olmuš, gutte illa čuožžot bisso, vævta ja rekega bærrai gæččat, dat læ jure vægjemættom.

Dam maņemus Bosegoppe markkanest læi okta Guovddagæino sabmelaš, gutte vaidi, atte sust legje suoladam bagjel duhat kruvna, muttomak gullujegje æpedæme; mutto mon galle jakam, atte jos olbmast læi duhat kr. raddekepest, nuftgo jes muittali, de suollagak gal dam valde; dastgo son læi olles jandur nuft jukkam, atte i diettam maidege dam ilmest. Dat oroi galle læme mu mielast obba stuora oaffar buollevine gæčel manatet. Duhat kruvna, dam olmuš i fidne gæppaset, erinoamašet barggo-olmuš, ollo vaivve ja ollo bivastak fertte golggat ouddalgo duhat kruvna læk boattam lommi, raddelæppai daihe bomba vuodo ala, æige læk galles, guđek obba ællemagest fidnejek duhat kruvna; mutto garren olmai rieppo manata dam ja vela æmbo ovtta jandurest. Damditi oazžop mi roakka cælkket: I gavdnu mikkege surgid bærgalaga balvalusast, man vuolde læ daggar lossa šlavavuotta go dam suorge vuolde, man namma læ jugišvuotta. Buok bærgalaga balvalus læ lossat — hirbmos lossat, dastgo

bagjelduolbme balges læ garas — mutto jugišvuotta læ buok verrimus.

Hirbmos buollem Chicago theaterest.

Lakka 1000 olmu hæga masse.

Telegramak muittalek daina beivin, atte okta stuora theater Chicagost, Amerikast, læ buollam ja lakka duhat olmu daggo bokte læk hæga-sek massam.

Theater læ daggar havskodal-lamviste, mi gavdnu mæsta juokke stuora gavpugest buok ædnamin. Dak vistek læk davalažat lika stuorrak ja vel stuorebakge go girkok. Daidi čoag-ganek erinoamašet daggar olbmuk, gæi čalmi oudast Ibmel ballo i læk. Dak, guđek theatera doallek, læk oapatuvvum juokke lakai suottasa ja havskudaga rakadet, dak mattek jievčad, buddostallat olbmuid ja giella-lokki lattadet. Ja dat gartta diettalassi suotasen joavddelasaidi. Daggar theatermænok adnujuvujujek juokke sodnabæive stuora gavpugin ja ramedallujuvujujek avisain. Ollok daina theatermannin cæi mana goassege gir-kost æige æra baikin, gost Kristus evangelium sardneduvvu. Suddolaš havskodallamin si ællemæsek vasetek ja aige raje bagjel mannek.

Chicagost læk diettelassi juovlla-iloid læmaš doallamen theaterest, go Ibmel su gieđast morin geiggi dan boosto mæno bagjel ja čajeti, atte son i læk jabman. Mutto olbmuk æi lave varritusa valddet mastege. Minge ædnam oaivvegavpugest, Kristianiast, læk manga theatera, dat ænemusad bæggotuvvum læ dat nuftgoččujuvuom »Nationaltheater,« masa ruđai čogget obligationaidæsekguim rika mietta.

„Nuorttanaste“ lökkidi.

Dal læ min blađde su viđad jakkodagas loapatam. Ædnak læk dak baikke sameædnamest, maid Nuorttanaste læ oappaladdam. Sikke riggaidd ja vaivaši lutte læ dat fidnam ja gæččalam muittalet væhaš sikke vuoinalaš ja mailmalaš dingai birra. Jurda læ, atte blađde maidai boatte jage galgga olgusboattet. Doallid lokko dal jage loapast læ lakka 400. Jos læ oktage doallin guđek i læk ožžom buok nummarid dam jakkodagast, de čallus son olgusaddai, ja dak vaillenumarak sadijuvujujek dalla-

naga.

Mon gitam buokaid, guđek loek blađe videdam ožžudam bokte doallid. Maidai sin gitam, guđek viššalak læk læmaš blađđai čallet, gæi særvest erinoamašet namatam H. A. Henriksen Lavvonjargast, Tanast ja J. He-lander Buolmagest.

Buorre lifči jos lokkek ain sad-dišegje soames sane blađđai erinoamašet muittalifči, go mikkege dapa-tuvva. Gitto buok »Nuorttanaste« lokkidi dam jage oudast, mi dal vassa.

Olgusadde.

Norga stuoradigge 1903—1906.

(Lasse oudeb nummari.)

Statsraad Hans Nilsen Hauge læ rie-gadam 1853, šaddai studentan 1871 ja thologa kandidat 1877 ja sëm-ma jage sagjasašpappan Brevik gavpugi. 1881—86 ragjai læi son mærolbmai pappan Schieldast ja dastmañnel kap-pelanan ačes lutte. 1887 namatuv-vui son pappan Breiviki ja 1900 Ei-danger gilddi. 6 jage læi son stuoradigge-olmajen Breivik gavpug ou-dast. Hans Nilsen Hauge læ dal dam odđa rađđetusa girkkominister.

Statsraad Hans Christian Albert Hansen læ rie-gadam 1847, valdi 1868 eksamen Stockholm allaskuvlast. 1875 šaddai son afdelingsingeniöran Smaa-lena banabargost, 1877 amtsingeniö-ran Buskerudi. 1900 valddujuvvui son olgišbælest stuoradigge-olmajen Drammen gavpugest, ja dam gæse læ son fast odđasist valddujuvvum. Son læ dam odđa rađđitusa bargominister.

Statsraad Birger Kildal læ rie-gadam 1849, son læi juridisk kandi-dat 1871 rajest. Son læ dastmañnel muttom jagid sagforar Hammerfestast. 1884—1888 ragjai læi son miel-dlatto Johan Sverdrup ministeriumest. 1895 šaddai mielidelatton Hagerup rađđetussi nuft gukka go dat bisti. Dal læ son valljijuvvum Kristianiast 4ad stuoradiggeolmajen ja læ liberal venstreolmai. Son læ dam odđa rađđetus finantsminister.

Statsraad Christian Pierre Mathiesen læ rie-gadam 1870, son šaddai 1888 studentan ja 1892 osti son ačes dalo Linderud. 1900 valljijuvvui ol-gišbælest stuoradiggai Akerhus amta oudast, mutto biettali dam gæse val-ljijuvvumest. Akers gielast læi son juokkešlai gielastivrijumest. Dal læ son dam odđa rađđetusa landbrugs-

minister.

Statsraad Peter Christian Hers-leb Kjerschov Michelsen læ rie-gadam 1857. 1879 šaddai son juridisk kandi-datan. Son læi læmaš muttom jagid ordföraren. 1801—1804 læi son stuoradiggeolmai Birgen gavpug oudast. Son læ mañnel biettalam valga; mutto luitti dam jage valljijuvvut ječas stuoradiggai Søndre Bergenhus amta oudast. Skibsreder Michelsen gulla liberal venstre partiai ja læ dam od-đa rađđetusa mielldatto Statsraadafde-ligest Stockholmast. Son læ maidai dam odđa stuoradigge odelsdiggepræ-sidenta.

Statsraad Jacob Marius Schön-ning læ rie-gadam 1856. Juridisk ka-nidat 1879. Schönning namatuvvui poastamæistaren Birgeni 1889, dam jage 1900 namatuvvui son poastamæi-steren Kristiania. Schönning læ dam odđa rađđetusa handalminister.

Statsraad Oscar Sigvard Julius Strugstad læ rie-gadam 1851, son læi officer 1873 rajest. 1898 læi son ož-žom stipendium ja eli olgoædnemest studerimen. Son læ dal generalstab oberstlöjtnant ja afdelingchef. Strug-stad læ dam dalaš rađđetusa forsvars-minister.

Statsraad Paul Benjamin Vogt læ rie-gadam 1862, læi juridisk kandi-dat 1885 rajest. 1886 šaddai son ol-gusadden »Christiansand Tidendi«. Son læ maidai moadde jage læmaš »Morgenblađe« olgusaddest vækken. 1900 valljijuvvui Vogt vuostas stuoradiggesuppleantan Kristianiast. Son læ olgišbæle olmai ja læ dam odđa-rađđetusa mielldatto statsraadafdele-gest Stockholmast.

Nuftgo dast oidnujuvvu, læ dal dam odđa rađđetusast sikke olgiš ja gurotbæle olbmak. Dat bođđi dast, atte Hagerup gutte galggai rakkadet odđa rađđetusa, go olgišbælle vuitti, læi loppedam atte rađđetus galgai šaddat sikke olgiš ja gurotbæle olb-main. Hagerup læ dal sanes doallam maid son loppedi.

Min blađest læ galle uccan sag-je, mutto go min naššona gaskast læk ollek, guđek læk angerak politika dittoi, de læm mon čoaggam min stuoradigge olbmaid ja rađđetusa ovta sagjai ja anom dasa saje min ucca blađđai »Nuorttanastai.« Dærvuođai-guim buok »Nuorttanaste« lokkidi ja mielldbargidi sikke gukken ja lakka

hœittam dam have.

H. A. Henriksen, Lavvonjarg, Tanen.

Dampa „Orion“ vraka

læ festujuvvum Vargaidi. I læk jak-ke-tatte atte alggek dam divvot; dast-go dolla læ aibasrak duššadam. »Man-nam nummarest muittaleimek mi, at-te »Orion« buli væstas manadedin, mutto dat læi fæila, dampa læi nuort-tas mannamen ja læi juo ollam Ma-kur buotta go dola fati.

Hirbmos muottaborgga Ofota—Gil-livare ruovddemađe alde.

Rikaraje stationast telegraferi-juvvu 29ad december, atte guovte-bæive stoarbma ja muottaborgga læ muottaskalvid rakadam manga meter alo. Okta dollavavdno mi læi lasti-juvvum malmain vuji ječas gidda Ri-klaraje station baldast. Nubbe vavdno galgai væketet dam luovos boattet, mutto maidai datge giddani. Buok jottem Kirunai læ væjemættom muot-tariđo diti mi læ boattam Muolgava-rest. Dam bæive legje 11 vavno ma-đest erit mannam.

*

Lavvardaga 2be januar telegrafe-rijuvvu Rikaraje stationast: Muotta-stoarbma ain bista. Dam namatuv-vum rido diti læ buok jottem stengi-juvvum. 200 olbma læk muotagoav-vombargost.

Ædnamest olgusvagjolus.

Bagjel Troandem galggek dam jage læk olgusvagjolam min ædnamest ar-vo mielde loge duhat olbmu, muitta-lek Troandem blađdek. Čađa Kristia-nia læk vuolggam 15000, æra gavpu-gin i læk vela dieđetus boattam, mut-to arvvaluvvu, atte 33,000 oktibuok læk dam jage vuolggam min ædnam-est olbmuk; muttomak daina læk gal-le læmaš olgoædnamlažak, erinoama-šet dačak, guđek Amerikast læk orrom ja fidnam sidast guosest,

Kanadai læk dam jage man-nam 2000, Lulleafrika 440, Australi-ai 6 ja Lulleamerikai (Chili ja Argen-tinai] bagjel čuode.

„Nuorttanaste“

doallek, guđek vela æi læk maksam dam jakkodaga oudast, berrijek doai-matek mavso saddet, ouddal go blađ-đe orostattujuvvu.

»Nuorttanaste« čalle prentejægje ja olgusad-de læ G. F. Lund Sigerfjord, Vesteraalen.